


PL  
2693  
H8  
1733  
v.5







成裕堂繪像第六才子書卷之五

聖歎外書

第二之四章題目正名

張君瑞解賊圍

小紅娘晝請客

老夫人賴婚事

崔鶯鶯夜聽琴

二之一

卷五

第五



文章有移堂就樹之法如長夏讀書  
已得爽塏而堂後有樹更多嘉蔭今  
欲棄此樹於堂後誠不如移此樹來  
堂前然大樹不可移而至前則莫如  
新堂可以移而去後不然而樹在後  
非不堂是好堂樹亦好樹然而堂已  
無當於樹樹尤無當於堂今誠相厥  
便宜而移堂就樹則樹固不動而堂

已多陰此真天下之至便也此言鶯  
鶯之於張生前於酬韻夜本已默感  
於心已又於聞齋日復自明觀其人  
此真所謂口雖不吐而心無暫忘也  
者今乃不端不的出自意外忽然鼓  
掌應募馳書破賊乃正是此人此時  
則雖欲矯情箝口假不在意其奚可  
得其理其情其勢固必當感天謝地

心。蕩。口。說。快。然。一。瀉。其。胸。中。沈。憂。以。見。此。一。照。眼。之。妙。人。初。非。兩。廊。下。之。無。數。無。數。人。所。可。得。而。比。然。而。一。則。太。君。在。前。不。可。得。語。也。二。則。僧。衆。實。繁。不。可。得。語。也。三。則。賊。勢。方。張。不。可。得。語。也。夫。不。可。得。語。而。竟。不。語。彼。讀。書。者。至。此。不。將。疑。鶯。鶯。此。時。其。視。張。生。應。募。不。過。一。如。他。人。應。募。淡。淡。焉。



了不繫於心乎作者深悟文章舊有  
移就之法因特地於未聞警前先作  
無限相關心語寫得張生已是鶯鶯  
心頭之一滴血喉頭之一寸氣并心  
并膽并身并命殆至後文則只須順  
手一點便將前文無限心語隱隱然  
都借過來此爲後賢所宜善學者其  
一也

左氏最多經前起傳  
之文正是此法也

又有月度迴廊之法如仲春夜和美人無眠燒香捲簾玲瓏待月其時初昏月始東昇泠泠清光則必自廊簷下度廊柱又下度曲欄然後漸漸度過閒階然後度至瑣窻而後照美人雖此多時彼美人者亦既久矣明明圻立暗中畧復少停其勢月亦必不能不來相照然而月之必由廊而欄

而階而窗而後美人者乃正是未照  
美人以前之無限如迤如遲如隱如  
躍別樣妙境非此卽將極嫌此美人  
何故突然便在月下爲了無身分也  
此言鶯鶯之於張生前於酬韻夜雖  
已默感於心已於開齋日復又明覩  
其人然而身爲千金貴人上奉慈母  
下凜師氏彼張生則自是天下男子

此豈其珠玉心地中所應得念豈其蓮花香口中所應得誦哉然而作者則無奈何也設使鶯鶯真以慈母師氏之故而珠玉心地終不敢念蓮花香口終不敢誦則將終西廂記乃不得以一筆寫鶯鶯愛張生也乎作者深悟文章舊有漸度之法而於是閒閒然先寫殘春然後閒閒然寫有隔



花之一人然後閒閒然寫到前後韻之事至此却忽然收筆云身爲千金貴人吾愛吾寶豈須別人隄備然後又閒閒然寫獨與那人兒的便親要知如此一篇大文其意原來却只要寫得此一句於前以爲後文張生忽然應募驚心照眼作地而法必閒閒漸寫不可一口便說者蓋是

行文必然之次第。此爲後賢所宜善學者。又一也。

文章有羯鼓解穢之法。如李三郎三月初三。坐花萼樓下。敕命青玻璃酌西涼葡萄酒。與妃子小飲。正半酣。一時五王三姨。適然俱至。上心至喜。命工作樂。是日。恰值太常新製琴操。成名曰空山無愁之曲。上命對御奏之。

每一段畢。上攢眉視妃子。或視三姨。或視五王。天顏殊悵悵。不得暢。旣而將入第十一段。上遽躍起。口自傳救。曰。花奴取羯鼓速來。我快欲解。據便自作漁陽。摻過淵淵之聲。一時欄中未開衆花。頃刻盡開。此言鶯鶯聞賊之頃。法不得不亦作一篇。然而勢必淹筆。漬墨了無好意。作者旣自折盡。

便宜讀者亦復乾討氣急也無可如  
何而忽悟文章舊有解機之法因而  
放死筆捉活筆斗然從他遞書人身  
上憑空揆出一莽惠明以一發洩其  
半日筆尖鳴嗚咽咽之積悶杜工部  
詩云豫章翻風白日動鯨魚跋浪滄  
溟開又云白摧朽骨龍虎死黑入太  
陰雷雨垂便是此一副奇筆便使通



篇文字立地煥若神明此爲後賢所  
宜善學者又一也

孫飛虎領卒子上云自家孫飛虎的便  
是方今天下擾攘主將丁文雅失政俺  
分統五千人馬鎮守河橋探知相國崔  
珏之女鶯鶯眉黛青顰蓮臉生春有領  
國傾城之容西子太真之色現在河中  
府普救寺停喪借居前日二月十五做

好事追薦父親多曾有人看見俺心中  
想來首將尚然不正俺獨何爲哉大小  
三軍聽吾號令人盡銜枚馬皆勒口連  
夜進兵河中府擄掠鶯鶯爲妻是我平  
生願足引卒子下問曰當時若不寫惠  
明竟寫飛虎亦得耶  
答曰如寫而不極暢是不如勿寫也然  
一欲寫得極暢而遂忍以鶯鶯一在飛  
虎口中恣其詆侮於我心有戚戚焉故不爲也  
法本慌上云禍事到誰想孫飛虎領半

萬賊兵圍住寺門，猶如鐵桶，鳴鑼擊鼓，  
吶喊搖旗，要擄小姐爲妻。老僧不敢違  
悞，只索報知與夫人小姐。

夫人慌上云：如此却怎了？怎了？長老俺  
同到小姐房前商議去，俱下。

鶯鶯引紅娘上云：前日道場親見張生，  
神魂蕩漾，茶飯少進。況值暮春，天氣好  
生傷感也呵。正是：好句有情憐皓月，落

第六才子書  
詩警

花無語怨東風

於白中則云前日道場親見張生於曲中則止

反覆追憶酬韻之夜  
命意措辭俱有法

仙呂八聲甘州鶯鶯唱。嗚。嗚。瘦。損。早。是。多。

愁。那更殘春羅衣寬褪。能消幾箇黃昏我

只是風裊香烟不捲簾。雨打梨花深閉門

莫去倚闌干。極目行雲。都是絕妙好辭所  
謂千狐之白萃而

為表  
者也

右第一節此言早是多愁也



混江龍。况是落紅成陣。風飄萬點。正愁人。  
昨夜池塘夢曉。今朝欄檻。辭春蝶粉。乍沾。  
飛絮。雪燕泥已盡。落花塵。繫春情。短柳絲。  
長。妙句。隔花人。遠天涯。妙句。近。有幾多六朝金。  
粉。三楚精神。逐句。干狐之白。而又無補接痕。

右第二節此言那更殘春也。看其第  
一節。祇空空說愁。第二節方略逗隔。  
花一人字。筆墨最爲委婉。有好致也。

紅娘云小姐情思不快我將這被兒熏得香香的小姐睡些則箇

油葫蘆翠被生寒壓繡衾

生寒是雙字不得將生字作活用須

休將蘭麝熏便將蘭麝熏盡我不解

自溫存

然則不能睡也妙妙

分明錦囊佳句來勾引

爲何玉堂人物難親近這些時坐又不安

立又不穩登臨又不快閒行又困鎮日價

情思昏昏天下樂我依你搭伏定絞綃

枕頭兒上。眈然則仍又

右第三節紅娘請之睡。則不可睡。及至無可奈何。則仍睡。只一睡字。中間乃有如許嫵娜如許跌宕。寫情種。真是情種。寫小姐亦真是小姐。○看其第二節。祇空空逗一人字。第三節便輕吐。是前夜吟詩。那人筆墨。最爲委婉。有好致也。

第...才子...奇警

我。但。出。閨。門。你。是。影。兒。似。不。離。身。斷山云

聖歎注則此一行與下小梅香句豈不重複哉聖歎讀書真異事也

右第四節上文口中方吐吟詩那人

實。驚。懷。抱。忽。然。自。嫌。我。則。豈。如。世。間。懷。春。女。子。心。蕩。不。制。故。驟。見。一。人。便。作。如。是。顛。倒。者。哉。因。急。轉。筆。牽。入。紅。娘。云。他。人。不。知。你。豈。不。曉。其。下。便。欲。直接。見。箇。客。人。慍。的。早。喚。等。文。以。深。



明已之實。不容易動心。却又因還嫌。此意未暢。故又轉筆。再將夫人隄防。反證已語。言我母之知我。猶尚不及。你之知我。如下文云云。以深明紅娘。是真正知我者。而後鶯鶯之不容冒。易動心。始非鶯鶯自己一人之私言。注益其筆態之曲折。有如此也。新山云。若乃欲云。何此豈復成人語哉。注。則鶯鶯不欲夫人隄防其意。歎看

書人心苦何足道。既有此書。便應看出來耳。莫心苦於作書之人。真是將三寸肚腸。直曲折到鬼神。猶曲折不到之處。而後成文。聖歎稽首。天下及後世才子。慎勿輕視古人之書也。

這些時。他恁般。隄備人。小梅香。服侍得勤。老夫人。拘繫得緊。不信俺女兒家。折了氣。

分。那。吒。令。你。知。道。我。但。見。箇。客。人。慍。的。早。  
噴。便。見。箇。親。人。厭。的。倒。褪。

右第五節反覆以明已之實不容易

動心上文已明

獨。見。了。那。人。兒。的。便。親。我。前。夜。詩。依。前。韻。  
酬。和。他。清。新。鵲。踏。枝。不。但。字。兒。真。不。但。句。  
兒。勻。我。兩。首。新。詩。便。是。一。合。迴。文。誰。做。針。  
兒。將。線。引。向。東。牆。通。箇。殷。勤。

第六節之三

右第六節直至此方快吐獨見那人  
兜的便親之一言看他上文凡用無  
數層折無數跌頓真乃一篇只是一  
句○讀此文能將眼色句句留向張  
生鼓掌應募時用便是與作者一鼻  
孔出氣人○誰做針兒將線引亦奇  
筆也諺云只知其一不知其二只知  
其一者只知決無人做針兒將線引



不知其二者。不知卽刻有孫飛虎。做針兒將線引也。用意之妙一至於此。寄生草風流客。蘊藉人。相你臉兒清秀身兒韻。一定性兒溫克。情兒定。不由人不口兒作念。心兒印。我便知你一天星斗煥文章。誰可憐你十年窗下無人問。

右第七節已至篇盡矣。又略露間齋日。曾親見其人。以爲下文鼓掌應募。

時正是此人如玉山照眼作地通篇  
蓋並無一句一字是虛發也○一天  
星斗二句又奇筆也卽刻馳書破賊  
兩廊下僧俗若干人等無有一人不  
知了也用意之妙一至於此

夫人法本同上敲門科紅云小姐夫人  
爲何請長老直來到房門外鶯鶯見夫  
人科夫人云我的孩兒你知道麼如今

孫飛虎領半萬賊兵圍住寺門道你眉  
黛青顰蓮臉生春有傾國傾城之容西  
子太真之色要擄你去做壓寨夫人我  
的孩兒怎生是了也

六么序我魂離殼這禍滅身袖梢兒搵不  
住啼痕一時去住無因進退無門教我那  
塢見人央快親張生挑到孤孀母子無投奔  
赤緊的先亡了我的有福之人妙妙句句挑到張生

右第八節文自明

耳邊金鼓連天震。征雲冉冉。土雨紛紛。後

風聞。

即二月十五做好事。多曾有人看見也。

胡云。道我冒黨

青顰蓮臉。生春傾國。傾城西子太真。把三

百僧人。他半萬賊軍。半霎兒便待剪草除

根。那廟於家於國無忠信。恣情的擄掠人

民。他將這天宮般蓋造。誰恹問便做出諸

葛孔明博望燒屯。



下

夫人云先生大恩不可忘也

誰云可忘哉自

今先生休在寺裏下便移來家下書院  
內安歇明日略備草酌着紅娘來請先  
生是必來者夫人下

張生別法本云小生收拾行李去書院  
裏去也無端豪客傳烽火巧爲襄王送  
雨雲孫飛虎小生感謝你不盡也法本

云先生得閒仍舊來老僧方丈裏攀話者張生下法本下

世之愚生每恨恨於夫人之賴婚夫使夫人不賴婚卽西廂記且當止於此矣今西廂記方將自此而起故知夫人賴婚乃是千古妙文不是當時實事如左傳句句字字是妙文不是實事吾怪讀左傳者之但記其實事

右第九節正寫賊勢之披猖以起下

文匆匆定計也文自明

夫人云老身年紀五旬死不爲夭奈孩  
兒年少未得從夫早罹此難如之奈何  
鶯鶯云孩兒想來只是將我獻與賊漢  
庶可免一家性命豈有此理然而作者  
之爲此言一則極寫  
匆匆無策一則故作下下策乃所以左  
折右折折而至於下中策也夫兩廊下  
眾人但退賊兵便與鶯鶯猶策之下也夫人哭云俺家無

犯法之男再婚之女怎捨得你獻與賊  
漢却不辱沒了俺家譜。鶯鶯云：母親休  
要愛惜孩兒，還是獻與賊漢，其便有五  
元和令帶後庭花。第一來免摧殘國太君。  
第二來免堂殿作灰塵。第三來諸僧無事  
得安存。第四來先公的靈柩穩。第五來歡  
郎雖是未成人，算崔家後代兒孫。  
右第十節此下下策也。聖歎：今日述。



之猶不忍違也。顧作者當日喪心害理，儼然竟布如此筆墨者，彼豈非爲下文漫然高叫兩廊僧俗，但能退兵，便許成婚，此猶是策之最下。然而不免作是蓋張之舉，則獨爲轉出張生發書請將故耳。夫下文雖得轉出張生發書請將，然其策旣出最下，則於其前文欲先作跌頓勢，固不得不出。

陳太師集卷之五

於下下也。蓋行文之苦，每每遇如此

難處也。

世有班馬異同一書宜熟精讀之，是書深悉此苦。

若鶯鶯惜已身不行，從亂軍伽藍火內焚。

諸僧血汚痕，先靈爲細塵。可憐愛弟親，痛

哉慈母恩。柳葉兒俺一家兒不留，齡齡未

何作一

右第十一節反覆明之

待從軍。果然辱沒家門，俺不如白練套頭。

尋箇自盡將屍櫬獻賊人你們得遠害全身。

右第十二節此又一策亦下策也然後下文再出一策。

法本云咱每同到法堂上問兩廊下僧俗有高見的一同商議箇長策同到科夫人云我的孩兒却是怎的是你母親有一句話本不捨得你却是由於無奈。

如今兩廊下衆人不問僧俗，但能退得賊兵的你母親做主，倒陪房奩，便欲把你送與爲妻。雖不門當戶對，還強如陷於賊人。夫人哭云：長老便在法堂上將此言與我高叫者，我的孩兒只是苦了你也。本云：此計較可。

青哥兒母親你都爲了鶯鶯身分。你對人一言難盡，你更莫惜鶯鶯這一身不揀何。



人建立功勳。殺退賊軍。掃蕩烟塵。倒陪家  
門。願與英雄結婚姻。爲秦晉。

右第十三節。此方是第三主策也。文

自明。

法本叫科。張生鼓掌上云。我有退兵之  
計。何不問我。見夫人科。本云。稟夫人。這  
秀才便是。前十五日附齋的敝親夫人。  
云。計將安在。張生云。稟夫人重賞之下。

必有勇夫賞罰若明其計必成夫人云  
恰纔與長老說下但有退得賊兵的便  
將小女與他爲妻張生云既是恁的小  
生有計先用着長老本云老僧不會廝  
殺請先生別換一箇張生云休慌不要  
你廝殺你出去與賊頭說夫人鈞命小  
姐孝服在身將軍要做女婿呵可按甲  
束兵退一箭之地等三日功德圓滿拜

別相國靈柩收換禮服然後方好送與將軍不爭便送來呵一來孝服在身二來於軍不利你去說來本云三日後如何張生云小生有一故人姓杜名確號爲白馬將軍見統十萬大軍鎮守蒲關小生與他八拜至交我修書去必來救我本云稟夫人若果得白馬將軍肯來時何慮有一百孫飛虎夫人請放心者

夫人云如此多謝先生紅娘你伏侍小  
姐回去者鶯鶯云紅娘真難得他也

賺煞尾諸僧伴各逃生衆家眷誰歆問他

不相識橫枝兒着緊非是他書生叨議論

也自防玉石俱焚便代他甚姻親可憐咱

命在逡巡濟不濟權將這秀才來儘又爲

妙絕是避嫌是議矩必有辨之者他真有出師的表文下

燕的書信只他這筆尖兒敢橫掃五千人



愛之信之一至於此  
亦全從剛韻一夜來

鶯鶯引紅娘下

右第十四節寫鶯鶯早爲張生護短  
早爲自己避嫌接連二筆便妮妮然  
分明是兩口兒此稱入神之筆

法本叫云請將軍打話虎引卒子上云  
快送鶯鶯出來本云將軍息怒有夫人  
鈞命使老僧來與將軍說云云虎云旣

然如此限你三日若不送來我着你的人皆死箇箇不存你對夫人說去恁般好性兒的女婿教他招了者虎引卒子下

法本云成兵退了也先生作速修書者張生云書已先修在此只是要一箇人送去本云俺這厨房下有一箇徒弟喚做惠明最要喫酒廝打若央他去他便

必不肯若把言語激着他他却偏要去  
只有他可以去得三四語耳寫張生叫  
云我有書送與白馬將軍只除厨房下  
惠明不許他去其餘僧衆誰敢去得惠  
明上云惠明定要去定要去

正宮端正好惠明唱不念法華經是是念

我見念不禮梁皇懺是是我見僧帽  
經者矣偏衫是是我見戴僧帽着偏衫者  
祖下了偏衫是是我見戴僧帽着偏衫者  
矣農夫力而收於田諸奴

坐而食於寺有王者作此而詠之所不待

再計也而愚之夫尚憂罪業夫今日之禿  
奴其游手好閑無惡不作正我昔者釋迦  
世尊於涅槃經中所欲切囑國王大臣近  
則刀劍遠則弓箭務盡殺之無一餘留者  
也聖歎此言乃是善護佛法夫豈謗僧之  
哉殺人心斗起英雄膽我偃將烏龍尾鋼  
椽搭法華經梁皇懺僧帽偏衫  
下斗接殺人心三字奇妙

右第一節寫惠明若不<sub>是</sub>和尚便不<sub>奇</sub>  
然寫惠明是和尚而果是和尚亦  
不奇今問普天下學人如此惠明爲



真是和尚爲真。不是和尚不得赴口。  
率意妄答。不得默然。不得速禮三拜。  
不得提起坐具。便撼不得彈指一下。  
不得繞禪床三匝。不得作女人拜。不  
得呵呵大笑。不得哀哭。蒼天蒼天。速  
道速道。纔擬議便錯。

銚山云聖歎無  
耻聖歎云銚山

會

也

滾繡毬。非是我。纔不是我。攬知道他怎生。

第

六

十

卷

五

三

喚做打叅大踏步止曉得殺人虎窟龍潭

石第二節他也不攪他也不攪他知

道你怎生喚做打叅小經紀止曉得

做一箇虎窟龍潭此是近來坐曲盤

床提柳櫟杖大善知識行樂譜也被

作西廂記人早早看破因先造此反

語相嘲乃渠猶不知還自擂鼓集衆

非是我貪不是我敢這些時喫菜饅頭委

實口淡。一切比丘比丘尼式又摩那沙彌云齊心同所願含意俱未申此跡山先生語也五千人不索炙煇煎燂。腔子裏熱血權消渴肺腑內生心先解饞。有甚腌臢。叨叨令你們的浮腫羹寬片粉添雜糝酸黃蘗臭豆腐真調淡我萬觔黑麪從教暗我把五千人做一頓饅頭餚你休悞我也麼哥休悞我也麼哥包殘餘肉旋教青鹽蘸

右第三節和尚言者是也。昔日世尊

於涅槃場制諸比丘不得食肉。若食  
肉者斷大慈悲。夫大慈悲止於不食  
肉而已乎。麋鹿食薦。牛馬食料。蚯蚓  
食泥。螻蟴食露。乃至蛄蟻食糞。皆不  
食肉。卽皆得爲大慈悲乎。吾見比丘  
裨販如來壘斷檀越。僞鋪壇場。銜招  
女色。一切世間不如法事。無不畢造。



但不食肉斯真無礙大慈悲乎。夫世尊制不得食肉者。彼必有取爾也。昔我先師仲尼氏釋迦之同流也。其教人也。務孝弟。主忠信。如是云云。至於再三。獨不教人不得食肉。亦以孝弟忠信之與不食肉。其急緩大小。則有辨也。若食肉。卽不得爲孝弟忠信。但不食肉。卽是孝弟忠信。則是仲尼有

遺言也。今儒者修孝弟忠信於家而食大享於朝。比丘分衛日中一食於其城中。而廣造大惡於其屏處。此其人之相去。雖三尺童子能說之也。今諸禿奴乃方欲以已之不食肉。救拔我之食肉。此其無理可恨。真應唾之罵之。打之殺之也。故曰和尚言者是也。

本云惠明呵張解元不用你去你偏生  
要去你真箇敢去不敢去

倘秀才你休問小僧敢去也那不敢我要

問大師真箇用咎也不用咎如此說脫之

記聖歎最幼時讀論語至于張問士何

如斯可謂之達矣見下文忍接云子曰何

哉爾所謂達者不覺失驚吐舌蒙師怪之

至與之夏楚今日又見此文便與大聖人

一樣筆勢跳脫西廂真奇書也昔有僧

耽著苦吟課誦都廢一老師愍而訶之僧

亦深自悔恨便捐棄筆墨發願受持妙法

華經一日誦經至重頌中忽見半偈云香

第六才子書 卷之四 寺警

三

風吹菱華更雨新。好者不自覺。又引手抵空。作曼聲吟之曰。此一佳句也。言未畢。便吃然失音。口角喎斜。尋便命終。嗚呼。大聖人之寶書。固不可作佳句讀哉。須是聖歎惡習切。你道飛虎聲名。賽虎般。那厮能淫勿學也。你道飛虎聲名。賽虎般。那厮能淫欲會貪婪。誠何以堪。

右第四節不答敢與不敢而已。答敢與不敢矣。蓋飛虎聲名一句。是人謂其不敢。那厮能淫欲三句。是自明其敢也。文甚明。



張生云你出家人怎不誦經持咒與衆  
師隨堂修行却要與我送書

滾繡毬我經怕談禪懶參戒刀新蘸無半  
星兒土清塵淹別的女不女男不男大白  
書把僧房門胡掩那里管焚燒了七寶伽  
藍你真有箇善文能武人千里要下這濟  
困扶危書一緘我便有勇無慙女不女男  
不男佛又

記之細視徐  
行如黃伺鼠

右第五節吾之於吾也何毀何譽如有所譽者吾有所試矣真好和尚也

相君之面則女不女相君之背却男不男白晝門掩正做此事也便說盡禿奴二六時中功課而文又雅甚

張生云你獨自去還是要人幫扶着

白鶴子著幾箇小沙彌把幢幡寶蓋擎病行者將麪杖火叉擔你自安定脚把衆僧安我撞釘子將賊兵探小沙彌病行者其兵馬則如此

實蓋麤枝火又其器仗  
則如此真乃異樣文情。

右第六節偏不說不要幫偏說要幫。

奇文。○若真要幫。豈成惠明。故知小。

沙彌小字病行者。病字下得妙絕。

每恨荆卿必欲生劫秦皇帝。此是何  
意。今看惠明。真是荆卿以上人也。

張生云。他若不放你過去。却待如何。惠

云。他敢不放我過去。你寬心。

〔二〕我睜一睜。古都都翻海波。喊一喊。厮琅。

琅振山巖脚踏得赤力力地軸搖手攀得  
忽刺刺天關撼三遠的破一步將鐵棒壓  
近的順着手把戒刀鈐小的提起來將脚  
尖撞平聲大的扳過來把骷髏砍一闌實寫

右第七節句句是不放過去一闌實寫斷山云  
你不放我過去我過去也

張生云我今將書與你你却到幾時可  
去

要孩兒煞我從來駁駁劣劣世不曾志志  
志○志○打熬成不厭天生是敢熬言不厭是打  
天生本我從來斬釘截鐵常居一不學那  
性也○惹草○粘花○沒塘○三就死也無憾便提刀仗  
劍○誰○勒○馬○停○驂○

右第八節爲人不當如是耶○讀之增  
長人無數義氣

二我從來欺硬怕軟喫苦辭甘○爲人不當  
如是耶○



第六十二回

你休只因親事胡撲俺若杜將軍不把干

戈○退○你○張○解○元○也○乾○將○風○月○擔○便○是○言○辭○

賺○一○時○紕○繆○半○世○羞○慚○八字雖金人銘不能復還寄語天下

後世敬心奉持

右第九節上文皆是張生憂惠明不

得過去此節忽寫惠明憂張生書或

恐無用者此非憂張生也正謂張生

不必憂惠明言除非你書無用我自

無。有。不。過。去。也。一。作。惠。明。嘲。戲。張。生。

便。滅。通。篇。神。彩。此。乃。真。正。神。助。之。筆。

須。反。覆。讀。之。

我。去。也。只三字便抵易水一歌唐張祐有詩云黃昏風雨黑如磐別我

不知何處去總是一副神理應白衣冠送之

收。尾。你。助。威。神。搥。三。通。鼓。仗。佛。力。吶。一。聲。

喊。奇。句。奇。至。於。此。繡。幡。開。遙。見。英。雄。俺。句。奇。

妙。句。妙。至。於。此。妙。至。於。此。○。斷。山。云。美。人。奇。至。於。此。妙。句。妙。至。於。此。○。看。他。細。思。干。

於。鏡。中。照。影。雖。云。看。自。實。是。看。他。細。思。干。

元

第六才子書 卷之六 第五回  
載以來只有誰魂倩女一人曾看自也他  
日讀杜子美詩有句云遙憐小兒女未解  
憶長安却將自己腸肚移置兒女分中此  
真是自憶自又他日讀王摩詰詩有句云  
遙知遠林際不見此簷端亦將自己眼光  
遙知遠林際不見此簷端亦將自己眼光  
皆用倩女離魂法作詩也聖賢今日讀西  
原俱用倩女離魂法作詩也你看半萬賊兵  
先嚇破膽意筆墨之奇峭一至於此哉

右第十節只此一收纔四句文字又  
何其神奇哉。擗鼓吶喊句寫意明猶

在寺幡開遙見句寫惠明猶在眼至  
賊兵破膽句如鷹隼疾已不見惠明  
矣文章至此雖鬼神雷電乃不足喻  
而豈僖之所得夢見而僖猶思搦筆  
作傳奇而謂將與西廂分道揚鑣僖  
真全無心肝者哉

張生云老夫人分付小姐放心此書一  
到雄兵卽來鯉魚連夜飛馳去白馬從

天降下來俱下杜將軍引卒子上云自  
家姓杜名確字君實本貫西洛人也幼  
與張君瑞同學儒業後棄文就武當年  
武狀元及第官拜征西大將軍正授管  
軍元帥統領十萬之衆鎮守蒲關有人  
自河中府來探知君瑞兄弟在普救寺  
中不來看我不知甚意近日下文雅失  
政縱軍劫掠人民卽當興師剪而朝食



奈虛實未的。不敢造次。好。昨。又。差。探。子。  
去了。好。今日。升。帳。看。有。甚。軍。情。來。報。者。  
開轅門坐科

惠明上云。俺離了普救寺。早至蒲關。這  
里杜將軍轅門。俺闖入去。卒捉住報科  
杜云。着他人來。惠進跪科。杜云。兀那和  
尚。你是那里做奸細者。惠云。俺不是奸  
細。俺是普救寺僧人。今有孫飛虎作亂。

將半萬賊兵圍住寺門欲劫故臣崔相  
國女爲妻有遊客張君瑞奉書使俺遞  
至麾下望大人速解倒懸之危杜云左  
右的放了這和尚者張君瑞是我兄弟  
快將他的書來惠叩頭遞書科杜拆念  
云

同學小弟張琪頓首再拜奉書君實仁  
兄大人。大元帥麾下。自違國表。寒暄再

隔風雨之夕。念不能忘。辭家赴京。便道  
河中。卽擬覲謁。以敘間濶。路塗疲頓。忽  
遣採薪。昨已相愈。不爲憂也。輕裝小頓。  
乃在蕭寺。几席之下。忽值弄兵。故臣崔  
公。身後多累。持喪聞戒。暫僦安居。何期  
暴客。見其粲者。擁衆五千。將逞無禮。誰  
無弱息。遽見狼狽。不勝憤懣。便當甘心。  
自恨生平。手無縛雞。區區微命。真反不

計。使。仁。兄。仰。受。節。鉞。專。制。一。方。咄。叱。  
所。臨。風。雲。絕。色。風。承。古。人。方。叔。召。虎。信。  
如。仁。兄。實。乃。不。愧。今。弟。危。偏。不。及。轉。燭。  
仰。望。垂。手。非。可。言。喻。萬。祈。搖。前。指。河。  
中。譬。如。疾。雷。朝。發。夕。到。使。我。涸。鮒。不。恨。  
西。江。崔。公。九。原。亦。當。銜。結。伏。乞。台。照。不。  
宣。張。珙。再。頓。首。拜。二。月。十。六。日。書。既。然。  
如。此。我。就。傳。令。和。尚。你。先。回。去。我。星。夜。

便來比及你到寺裏時多敢我已捉了  
這賊子也。惠云：寺中十分緊急，大人是  
必疾來者下。

杜傳令云：大小三軍聽我號令，就點中  
權五千人馬。星夜起發，直指河中府普  
救寺，救我兄弟去。走一遭。衆應云：得令  
俱下。

孫引卒奔上云：白馬爺爺來了。怎麼了。



身

詩警

三

怎麼了我們都下馬卸甲投戈跪倒悉  
憑爺爺發落也杜引卒上云你們做甚  
麼都下馬卸甲投戈跪倒你指望我饒  
你們也罷止將孫飛虎一人砍首號  
令其餘不願的都歸農去願的開報花  
名我與你安插者賊衆下

夫人法本上云下書已兩日不目回音  
張生上云山門外暴雷似聲略敢是我

哥哥到也。杜與生相見拜科。張生云：自別台顏，久失聽教。今日見面，乃如夢中。杜云：正聞行旌近在鄰治，不及過訪。萬乞恕罪。杜與夫人相見拜科。夫人云：孤寡窮途，自分必死。今日之命，實蒙再造。杜云：狂賊跳梁，有失防禦，致累受驚，敢辭萬死。敢問賢弟，因甚不至我處？張生云：小弟賤恙偶作，所以失謁。今日便應。

隨仁兄去却又爲夫人昨日許以愛女  
相配不敢仰勞仁兄執柯小弟意思成  
過大禮一月後便叩謝杜云恭喜賀喜  
老夫人下官自當作伐夫人云老身尚  
有處分安排茶飯者杜云適間投誠五  
千人下官尚須料理異日却來拜賀張  
生云不敢久留仁兄恐妨軍政杜起馬  
科馬離普救殿金鐙人望蒲關唱凱歌

不學其妙文也

二之二

吾讀世間遊記而知世真無善遊人也。天善遊之人也者，其於天下之一切海山方嶽洞天福地，固不辭千里萬里而必一至，以盡探其奇也。然而其胸中之一副別才，眉下之一雙別眼，則方且不必直至於海山方嶽洞

第一

天福地而後乃今始曰我且探其奇

也。夫昨日而至一洞天。凡罄若干  
日之足力目力心力。而既畢其事矣。  
明日而又將至一福地。又將罄若  
干日之足力目力心力。而於以從事  
彼彼勞之人。不能心知其故。則不免  
曰。連日之遊快哉。始畢一洞天。乃又  
造一福地。殊不知先生且正不然。其



離前之洞天而未到後之福地中間  
不多雖所隔止於三二十里又少而  
或止於八七六五四三二里又少而  
或止於一里半里此先生則於是一  
里半里之中間其胸中之所謂一副  
別才眉下之一雙別眼卽何嘗不以  
待洞天福地之法而待之哉今夫以  
造化之大本領大聰明大氣力而忽

然結撰而成一洞天一福地是真駭目驚心之事不必又道也然吾每每諦視天地之間之隨分一鳥一魚一花一草乃至鳥之一毛魚之一鱗花之一瓣草之一葉則初末有不費彼造化者之大本領大聰明大氣力而後結撰而得成者也諺言獅子搏象用全力搏兔亦用全力彼造化者

真○然○矣○生○洞○天○福○地○用○全○力○生○隨○分○  
之○一○鳥○一○魚○一○花○一○草○以○至○一○毛○一○  
鱗○一○瓣○一○葉○殆○無○不○用○盡○全○力○由○是○  
言○之○然○則○世○間○之○所○謂○駭○目○驚○心○之○  
事○固○不○必○定○至○於○洞○天○福○地○而○後○有○  
此○亦○爲○信○然○也○抑○卽○所○謂○洞○天○福○地○  
也○者○亦○嘗○計○其○云○如○之○何○結○撰○也○哉○  
莊○生○有○言○指○馬○之○百○體○非○馬○而○馬○係○

於前者立其百體而謂之馬也。比於  
大澤。百材皆度。觀乎太山。水石同壇。  
夫人誠知百材萬木。雜然同壇之爲。  
大澤大山。而其於遊也。斯庶幾矣。其  
層巒絕巘。則積石而成。是宮窿也。其  
飛流懸瀑。則積泉而成。是灌輸也。果  
石石而察之。殆初無異於一拳者也。  
試泉泉而尋之。殆初無異於細流者。

也。且不直此也。老氏之言曰。三十輕  
共一轂。當其無。有車之用。埏埴以爲  
器。當其無。有器之用。鑿戶牖以爲室。  
當其無。有室之用。然則一一洞天福  
地。中間所有之廻看爲峰。延看爲嶺。  
仰看爲壁。俯看爲谿。以至正者坪。側  
者坡。跨者梁。夾者澗。雖其奇奇妙妙。  
至於不可方物。而吾有以知其奇之。



第六才子書

滿漢

夢

所以奇妙之所以妙則固必在於所  
謂當其無之處也矣蓋當其無則是  
無峰無嶺無壁無谿無坪坡梁澗之  
地也然而當其無斯則真吾胸中一  
副別才之所翱翔眉下一雙別眼之  
所排蕩也夫吾胸中有其別才眉下  
有其別眼而皆必於當其無處而後  
翱翔而後排蕩然則我真胡爲必至

於洞天福地正如頃所云離於前未  
到於後之中間三二十里卽少止於  
一里半里此亦何地不有所謂當其  
無之處耶一略約小橋一槎枒獨樹  
一水一村一籬一犬吾翱翔焉吾排  
蕩焉此其於洞天福地之奇奇妙妙  
誠未能知爲在彼而爲在此也且人  
亦都不必胸中之真有別才眉下之

真。有。別。眼。也。必。曰。先。有。別。才。而。後。有。別。翔。先。有。別。眼。而。後。排。蕩。則。是。善。遊。之。人。必。至。曠。世。而。不。得。一。遇。也。如。聖。歎。意。者。天。下。亦。何。別。才。別。眼。之。與。有。但。肯。翔。翔。焉。斯。卽。別。才。矣。果。能。排。蕩。焉。斯。卽。別。眼。矣。米。老。之。相。石。也。曰。要。秀。要。皴。要。透。要。瘦。今。此。一。里。半。里。之。一。水。一。村。一。橋。一。樹。一。籬。一。犬。則。皆。極。

秀極皺極透極瘦者也。我亦定不能  
如米老之相石故耳。誠親見其秀處  
皺處透處瘦處。乃在於此。斯雖欲不  
於是焉翱翔。不於是焉排蕩。亦豈可  
得哉。且彼洞天福地之爲峰。爲嶺。爲  
壁。爲谿。爲坪。坡。梁。礪。是亦豈能多有  
其奇奇妙妙者乎。亦都不過能秀能  
皺能透能瘦焉耳。由斯以言。然則必

至於洞天福地而後遊此其不遊之處蓋已多多也且必至於洞天福地而後遊此其於洞天福地亦終於不遊已也何也彼不能知一離一大之奇妙者必彼所見之洞天福地皆適得其不奇不妙者也蓋聖歎平日與其友斲山論遊之法如此今於讀西廂紅娘請宴之一篇而不覺發之也



斲山云千載以來獨有宜聖是第一  
善遊人其次則數王羲之或有徵其  
說者斲山云宜聖吾深感其食不厭  
精膾不厭細之二言王羲之吾見其  
若干帖所有字畫皆非戲之所能窺  
也聖歎曰先生此言疑殺天下人去  
也又斲山每語聖歎云王羲之若開  
居家中必就庭花逐枝逐朵細數其  
鬚門生執巾侍立其側常至終日都  
無一語聖歎問此故事出於何書斲  
山云吾知之蓋斲山之奇特如此惜  
乎天下之人不遇斲山一傾倒其風  
也

前文一大篇破賊也後文一大篇賴

婚也破賊之一大篇則有鶯鶯尋計  
惠明遞書是生成必有大波大  
浪也賴婚之一大篇則有鶯鶯失驚  
張生發怒亦是生成必有大哭大  
笑也今此則於破賊之後賴婚之前  
矣此際其安得又有一大篇也乎作  
者細思久之細思彼張生之於鶯鶯  
其切切思思如得旦暮遇之固不必

論也。卽彼鶯鶯之於張生。其切切思  
思。如得旦暮遇之。殆亦非一口之所  
得說。一筆之所得寫也。無端而孫飛  
虎至。無端而老夫人許歛然。二無端  
自天而降。此時則彼其一雙兩好之  
心。頭口頭眼中。夢中茶時飯時。豈不  
當有。如雲浮浮。如火熱熱。如賊脉脉。  
如春蕩蕩者乎。乃今前文之一大篇。

纔破賊後文之一大篇便賴婚破賊  
之一大篇既必無暇與彼一雙兩好  
寫此如雲如火如賊如春一段神理  
而賴婚之一大篇卽又何時與彼一  
雙兩好寫此如雲如火如賊如春之  
一段神理乎干不得已萬不得已算  
出賴婚必設宴設宴必登請而因於  
兩大篇中間忽然閒閒寫出一紅娘

請宴亦不於張生口中亦不於鶯鶯  
口中只閒閒於閑人口中恰將彼一  
雙兩好之無限浮浮熱熱脉脉蕩蕩  
不覺兩邊都盡嗚呼此謂之女媧氏  
不難補天難於尋五色石今既專門  
會尋五色石其又何天之不補乎然  
聖歎又細思之細思前一大篇破鼓  
是真有一大篇後一大篇賴婚是亦



真有一大篇。今紅娘承夫人命請客  
走一遭。此豈不至輕至淡。至無聊至  
不意。而今觀其但能緩緩隨筆而行。  
亦便真有此一大篇。然則如頃所云  
一水一村。一橋一樹。一離一犬。無不  
奇奇妙妙。又秀又皺。又透又瘦。不必  
定至於洞天福地。而始有奇妙。此豈  
不信乎。普天下及後世錦繡才子。將

欲操觚作史其深念老氏當其無有  
文之用之言哉彼賊後賴婚前決不  
得更插一篇吾亦嘗

細思久之而後歎  
絕於紅娘請宴也

張生上云夜來老夫人說使紅娘來請  
我天未明便起身直等至這早晚不見  
來我的紅娘也呵只一語寫盡  
張生神理

紅娘上云老夫人着俺請張生須索早  
去者在紅娘  
方云早

中呂粉蝶兒紅娘唱半萬賊兵捲浮雲片

時掃淨俺一家兒死裏重生

右第一節敘功正文

只○據○舒○心○的○列○仙○靈○陳○水○陸○張○君○瑞○便○當○  
欽○敬○

右第二節敘功旁文○上正文敘功

人○所○必○及○也○此○旁○文○敘○功○真○非○人○所○  
及○也○寫○小○女○兒○家○又○聰○慧○又○年○輕○彼○

見昨日驚魂動魄。今日眉花眼笑。便從自己靈心所到。說出小小一段快樂。反若撇開本人之一場真正大功也者。而是本人之一場真正大功已不覺反於此一語中全現。才子作文誓願放重筆取輕筆。此類是也。

前日所望無成。倒是一緘書爲了媒證。醉

春風今日東閣帶烟開。

前日今日語意佳甚。帶烟開是也。

杜詩高城烟霧開是再不要西廂和月等  
招女婿詩此用之也  
薄衾單枕有人溫你早則不冷句冷句你  
好寶鼎香濃繡簾風細綠窗人靜此十二  
句是一句看他輕輕只下你好二字便使  
十二字併做一字問併做何一字依聖歎  
俊眼看去此十二字只併做一人字也蓋  
窗外有簾簾內無風鼎中有香香中有人  
也

右第三節請宴正文○照定後篇賴  
婚作此滿心滿願之語妙絕



可早到書院裏也

脫布衫幽僻處可有人行點蒼苔白露泠泠隔窗見咳嗽一聲偶咳嗽也隱不及敲門也寫盡張生非寫

紅娘也

張生云是誰紅云是我張生開門相見

科

只見啟朱扉疾忙開門小梁州叉手躬身禮數迎我道不及萬福先生寫盡張生

右第四節寫紅娘未及敲門張生已  
忙作揖天未明起身人便於紙縫裏  
活跳出來

烏紗小帽耀人明白襴淨角帶關黃鞋後  
衣冠濟楚那更麗兒整休說引動鶯鶯據  
相貌憑才性我從來心硬一見了也留情  
作者何其狡猾忽然欲牽紅娘并入渾水  
豈非罪過哉○斷山云試問紅娘爲說今  
日爲說問齋曰我最無奈聰明  
女兒半含半吐不告我實話也

右第五節寫張生人物也。然而必略寫人多寫打扮者。蓋句句字字都照定後篇賴婚先作此滿心滿意之筆也。

紅云奉夫人嚴命張生云小生便去紅

將欲云奉夫人嚴命來請先生赴席吟張生不及候其辭畢

上小樓我不曾出聲他連忙答應黃正出早飛去鶯鶯眼前姐如呼之嗒嗒連聲神入北

六才子書卷之六

身

此紅娘舉寫其連忙答應之神理也。姐姐呼之者，驚鴻無語，則張生欲語也。啾啾連聲者，驚鴻有語，則張生欲語也。真正秀木出神，入此之筆，不知如何想得來。秀木出神，入此之筆，不知如何想得來。秀木出神，入此之筆，不知如何想得來。

隨鞭鏡又嘲戲生員切已事情

右第六節天未明起身人活跳出來。

張生云：敢問紅娘姐，此席為何可有別

客。先生假也

後第一來為壓驚。第二來因謝承。不請街

坊。不。會。諸。親。不。受。人。情。避。衆。僧。請。貴。人。和。  
鴛。鴦。匹。聘。

右第七節開宴正文○俱照定後篇  
賴婚作滿心滿意之筆

見他謹依來命滿庭芳又來回句顧影句

寫張生便去也乃張生已去而忽又來回  
既已來回而又復立定秀才真有此情性

也下去都只文魔秀士句風欠酸了句  
寫此四字

如字元曲有本性謙謙到處乾風欠又收  
不盡強文撇撇即寒臉斷不了詩云子日

第六才子書卷五



酸風欠俱押廉下工夫把頭顱掙已滑倒

纖韻並河據也人眼睛酸溜溜聲得人

蒼蠅光油油耀花人眼睛酸溜溜聲得人

牙疼安排定猶言來回何也來回而顧影

頭顱已極光掙則也文燒秀士最要修容今

毋不必又顧影也封鎖過陳米數升蓋好

過七八幾幾善猶言不必又顧影則來回

今果然封鎖關蓋件件經酸丁最重米甕

心也真寫盡秀才神理。快活三這人一

事精百事精不比一無成百無成此二句

人遇擇女婿經言張生真養得鶯鶯乃是媒

活也如此奇文妙文聖歎只有下拜

右第八節正寫張生疾忙便行却斗  
然又用異樣妙筆寫出來回顧影四  
字一時分明便將張生勾魂攝魄召  
來紙上如前殿夫人偏何來遲相似  
○從不秀才天性與人不同何則如  
一聞請便出門一也既出門反回轉  
二也既回轉又立住三也顧影者雖立住也  
聖歎亦不解秀才何故必如此然普

天下秀才則必如此不但普天下秀才必如此即聖歎不能免俗想是亦必如此今日却被紅娘總付一笑也○通節只是反覆寫來回顧影四字若云去即去矣來回何也回即回矣顧又何也意者秀士性好修容還要對鏡振髮爲復釅了不捨米甕自來掛鎖關蓋下因趁筆極讚其一精百

精言真是養得鶯鶯活也。世間奇文  
妙文固有亦有奇妙至此者乎。僖疑  
夫云云是讚其打扮則前既有烏紗  
小帽耀人之文矣。不應更重出。僖又  
改陳米云云是謙其筵席則後又有  
金帳玉屏合歡之文矣。不應先刺。  
且一精百精之。○斷山云意欲寫其  
言又何謂乎。○去却反寫其回意欲寫其急却反寫  
其遲。彼作者固是神靈鬼怪。乃批者  
亦豈非神靈鬼怪乎。

第六十二回 請宴

世間草木是無情。猶有相兼並。朝天子這  
生後生。怎免相思病。天生聰俊。打扮又素  
淨。夜夜教他孤另。並字上聲

右第九節先寫張生是一情種。

會聞才子多情。若遇佳人。薄倖常要擔閣。  
了。人性命他的信行。他的志誠。你今夜親  
折證。

右第十節次寫鶯鶯又是一情種。



四邊靜只是今宵歡慶軟弱鶯鶯那慣經  
你索款款輕輕燈前交頸端詳可憎好煞  
人無乾淨端詳一轉妙人妙事妙筆妙文  
猶言你雖依我言果將款款輕  
輕矣然仔細算來終不  
能十分款款輕輕也

右第十一節次因話有話遂寫至兩  
情種好煞人時俱照定後篇賴婚作  
滿心滿意之筆也

張生云敢問紅娘姐那邊今日如何鋪


設小生豈好輕造

先生假也

耍孩兒俺那邊落花滿地胭脂冷。一霎良辰美景夫人遣妾莫消停。請先生切勿推稱。正中是鴛鴦夜月銷金帳。兩行是孔雀春風軟玉屏。下邊是合歡令。一對對鳳簫象板。鴈瑟鸞笙。

右第十二節正寫宴也。定不可少。

張生云敢問紅娘姐。小生客中無點點。



卷之六

三

